

明名臣言行錄

明名臣言行錄卷第二十七

祭酒陳文定公敬宗

字光世號澹菴慈谿人永樂甲申進士官至祭酒  
卒年八十三嘉靖中謚文定

選翰林庶吉士與修高廟實錄成授刑部主事十二年  
修五經四書大全成改翰林侍讀後丁母憂宣德改  
元起復修兩朝實錄未成轉南京國子司業秩滿陞  
祭酒爲人矜嚴好禮久居太學力以師道自任嚴立  
教條痛革舊習日勵諸生進學成德是時瞽宗之政  
肅于朝廷

關中楊鼎發解試禮部下第疏乞入南監從公學上從之鼎至監清苦力學後舉禮部亦第一廷試第二仕至戶部尚書

公善飲嘗飲襄城伯李隆所隆知重公賓罷輒留公再飲飲酩酊言貌儼然若未嘗飲者一夕飲過劇兀坐喧頽中人伺公見公拳握最謹其矜嚴如此

仁廟在東朝時公九年考滿禮部尚書呂震署銓選喜諂諛中書陳彝訓謂公曰前者春坊庶子鄒濟通考行跪禮遂擢太常少卿今亦當如此公曰屈侍從之膝以希陞擢孰若守志不渝時侍講李時勉修撰馬

鐸皆以爲然比至吏部考滿皆不跪衆皆驚愕僅得復職

公遇寮屬諸生臣嚴有懷忿而訟之者法司請逮理周文襄曰盍疏申雪卽爲屬草詞或遷就公驚曰得無誑君周笑曰法惟矣事不實耳不果上事亦竟白

公剛正介潔不見喜愠官太學二十餘年諸生多位至卿貳公獨久不調時北監祭酒李時勉約束諸生身教亦嚴世稱南陳北李景泰元年引年與魏文靖公同致仕公德望文章名聞朝野旣退家居不輕出入別號澹菴居士至是又號休樂老人云有澹菴集行

于世天順三年卒

太常少卿劉文介公儼

字宣化江西吉水人正統壬戌進士第一官至太常卿兼侍讀學士卒贈禮部侍郎諡文介

自幼端介不凡雖治舉業必探底裏年二十餘領永樂間鄉薦下第歸家潛心又二十餘年乃慨然有志魁天下正統壬戌果擢進士第一授翰林修撰以古文名天下

景泰初進侍講五年教習庶吉士六年修寰宇通志爲副總裁繼續宋元通鑑綱目復領之七年志書成進太常少卿兼侍讀主考順天鄉試內閣陳循王文有

子入試並私屬公公不爲地則大恨旣放榜訟公閱  
文不明取士徇私請如洪武中劉三吾等坐公罪重  
開科試士上命高文義公覆試諸得舉者朝退高公  
請奏事聞上且力言二臣之子文亦可觀願辭有定  
額儼等本無罪上重違二人意令順天府准其子會  
試王文復疏辨上不喜曰敢再言者以大臣擅法論  
于是六科給事中張寧等劾陳循王文職居輔導任  
重經綸所宜遠嫌薦士爲國家持正誼引大體乃以  
父子私情煩瀆聖聰臣聞宋范質爲相從子昇求遷  
作詩戒之韓億爲相子維舉進士以父任執政不就

廷試方之循文父子高下可知沈文通登進士第一  
馮京第二厥後用貴胄不先寒畯進馮退沈方今舉  
錯得失又可知順天應試士子歲千八百有奇中式  
者纔百三十五人雖云考試未精然濫進貴胄之風  
如何可啓循等乖悖久彰人心共怒伏望逮問如律  
用懲玩欺不則賜歸田里別選正臣以居清華密勿  
之地以昭陛下平明之治上是科道官言第以大臣  
宥置不問先是廬陵羅崇岳舉順天第一坐詭籍斥  
還本學時臣爲之語曰解有名還學生榜無氏便貢  
士明年英廟復辟循文得罪倫瑛謫戍命公署翰林



院事有寵用之漸竟卒贈禮部侍郎謚文介

公天性至孝居喪致毀族人數千指貧窘者爲喪葬婚娶寡弱者扶持之傲宋范仲淹立義田先祠之左鄰有貸悉燔其券立朝侃侃交必正人爲邪者面折不少借直聲大振士大夫間

御史孫公鼎

字宜鉉江西廬陵人永樂間鄉科仕至監察御史  
卒年六十有六

歷江浦松江學博士甚得士心彬彬多興起者楊文定  
溥薦爲監察御史督南畿學政公教一以德行爲本  
而文藝次之學置本源錄錄諸生善行以身爲率不  
事譏防行部令勿先知從單輿猝至諸生集輒閉門  
面試一文或破題數首隨閱隨定畢便開門呼名而  
出案牘隨之先後允愜私囑者無所措手嘗見庭橘  
方熟命左右摘嘗因分畀諸生同啗之一生獨取其

二公問之以奉親對公大賞倍遺之

應天苦旱饑甚奏免其租什七賑濟萬三千餘石賴以全活者甚衆庚午秋試時上北狩公小試罷謂諸生曰諸君從有司試當簪花燕饒今日爲臣子枕戈之秋老夫不敢陷諸君於不義乃與飲茶令從中道行自步送出門旣而詣闕上疏請隨所以效死不報乃自矢于文信公祠去蒞所部道遇金尚書濂慷慨對泣有萬里丹衷扶日月兩人清淚對山河之句其忠憤如此

庚午初封其父母得告歸省父聞恩命至擁騎郊迎公

塗行控御甚虔觀者榮之明年還朝念親老請致仕  
歸後祭酒司業缺當道屢欲薦起之郡守金陵張瑄  
疏公孝追曾閔學踵程朱宜起居論思之職皆未果  
名卿大夫過公鄉者必禮于其廬鄉人子弟考德問  
業者無虛日歸六載爲天順元年十月朔卒於家

按察司僉事黃公潤玉

字孟清浙江鄞縣人舉京闈鄉試官至湖廣按察司僉事卒年八十九

生五歲侍母病夜不就寢家人異之六歲就塾師坐立屹然不與羣兒狎書過目成誦塾師奇之十歲道上見遺金不拾十三歲改元永樂詔徙江南殷實戶實北京父當行公傷父老行萬里輒涕泣求代官少之對曰父去日益老兒去日益長少長不庸愈于老乎卒行抵北京受廛都城外十里所沙漠寒沍無人居與同役築室成比閭傾貲給徭賦墾圃種蔬以爲活

明倫彙編 家範典 卷一百一十一  
人不堪其劬而泰然安之稍隙輒肆力於學以心爲  
嚴師以聖賢爲矩矱擇然後言確不可易焉揆然後  
動端無所苟焉都城有富翁獨與一女居招與同賈  
辭或問何也曰瓜田不納履耳於是里中子多從之  
學爲文理致淵永

舉鄉薦授學官用薦拜監察御史出按湖廣斥藩臬郡  
縣之不職者百十人英廟卽位以楊文貞薦爲廣西  
提學僉事屏澆薄獎俊賢士風丕變時寇起軍興都  
指揮吳某妄掠子女萬餘口公劾而歸之副使李立  
入民間死罪且數百人亦爲辨出之萬口稱快

改湖廣按察司時巡撫都御史李實張甚藩臬皆折節  
下之公無加禮而連黜貪墨屬二人皆實鄉戚也實  
大恚劾之謫知和州含山縣惠利有恩已請老去

公平生著述甚富以朱子嘗欲編禮記附儀禮迺取儀  
禮分爲四卷而以禮記比類附之不類者附諸卷末  
又以五禮獨缺軍禮因取周官大田禮補之而以禮  
記諸篇載田事者附焉別爲一卷通五卷皆爲之註  
釋總曰儀禮戴記附註以小學四書諸經註家或遺  
或誤撰經書補註以大學中庸旨皆淵與撰學庸通  
旨以禮記深衣制十有副鄭氏誤註爲裳而玉藻長

中繼掩尺注亦誤撰考定漢衣古制以四明新志蕪  
穢撰寧波簡要志以道德經陰符經古註皆昧各爲  
之註嘗因安遠侯柳溥問古兵法爲註孫子其他備  
論理事曰南山錄雜著詩文曰南山稿皆藏之家居  
二十載壽八十有九而卒時成化丁酉五月二日也



知府劉公實

字嘉秀安福人宣德五年進士官至南雄知府卒  
年六十六

改庶吉士未嘗投足權門自陳才薄親老乞教職會有  
詔汰庶官累千人公意且得教職竟爲同知金華在  
任三年不以妻子隨廉操直節綽有聲稱金華旱賦  
逋叢積催科急民或鬻子女公疏得免又贖還其子  
女公閒輒探閱經史卽視事又掩卷已則復然郡僚  
或竊笑之不爲改郡有顏孝子宗忠簡呂東萊祠墓  
公爲修葺鄭義門合爨久不能給又買馬出力給傳

山西公爲疏乞免役

南京鄉闈較文舊例給帷幕衾褥遂以爲贖公却之丁  
母憂廬墓蔬食以終喪擢順天府治中

景泰中召修宋元史筆削任心無所咨承屈遜見所修  
不合已意笑聲徹閣陛間聞者驚愕相戒勿以藁示  
公擢知南雄府府當嶺南孔道商稅鉅萬知南雄者  
輒盈囊推其餘俾過客得其歡心且爲游聲譽公至  
存稅一繕郡學補張九齡大庾嶺松不肯私一錢未  
數月中貴使嶺外至南雄意得重賄不得苛辱公郡  
人擁公竟出中貴去至韶韶人爲言南雄守驛書言

中貴橫索賂辱太守事中貴懼急傳馬馳奏公抗勅使毀勅大不敬詔逮公至京下獄獄中上書言臣從官三十年不以妻子自隨餐粗衣敝欲爲國家愛養小民不忍勞費以是觸忤天使無所逃罪上不復更窮治不數日竟卒獄中

居恆喜著書尤長於春秋中夜有得蹙童子然燈起書爲人清強甘心貧窶與古廉吏范丹李及無異彭文憲稱其躬過人之操履立絕俗之儀矩利誘不回勢惕不沮蓋實錄也

一日行縣始出郊一狸迎拜于道行十里許引類羣至

且行且拜公下馬視之羣狸馴伏良久乃去嘗夕寢  
夢神語以公署將火公驚起至廳事火且然矣因率  
衆滅之其精誠感召如此

知府張公寧

字靖之海鹽人景泰甲戌進士官至汀州知府卒  
年七十一

公幼穎敏絕人七歲題畫龍有莫點金精恐飛去之句  
人已識其不凡景泰甲戌會試考官奇其文擬寘第  
一不遂廷對數千言宏博剴切侍郎姚夔讀之驚問  
曰得非張寧耶少保于忠肅奇其才大學士王文以  
南人忌之抑置二甲

授禮科給事中嘗諤自將遇事敢言章日數上每有大  
議景帝必問張給事云何丙子順天鄉試內閣陳循

王文以其子不得舉中傷考官劉文介幾得罪公奏  
元宰私其子而爲暴才稱屈失大臣體難居內閣聞  
者竦然

英皇復辟因災變日御齋宮用祈消弭公會六科乞詔  
在京衙門將秕政苛法所當改革者悉奏舉勸上尤  
當專慮澄心嚴恭寅畏隱微冥漠一念轉移望濺留  
意優詔允答曹石恃迎駕功竊美威福事關禮科公  
舉奏無避聲焰減戢上以是知公

朝鮮毛憐讐殺內降遣公與都指揮武忠偕往旣行遼  
東奏至勅使臣取便進止公時至遼東拜勅言君行

臣忠敢自便乎卽語鎮守官設備而行至則宣揚威德開示禍福東人感服解爭遣陪臣入謝還陞都給事中

憲皇嗣位公首勸經筵進講大學衍義又薦起王竑李秉爲兵部尙書都御史諸大臣不悅皇太后生辰設齋醮禮官歛大臣金錢祈福公言人臣當和衷敬德仰贊聖孝上綏懿祉釋老不當崇奉辦香非可祈祝行之祇壞風俗傷名教南京給事中王徽等劾南陽獲罪謫邊公又合六科申揀以故諸大臣益忌公適廷薦公及岳正堪任騰清黃侍郎都御史者竟陞公

知府汀州

公至汀先教化後刑罰盡除厲民弊政興學校表節義恤孤獨禁遊惰郡事一新諸上官故忌公才在任幾年歸尚書李秉侍郎葉盛黎淳僉奏君甚皆以疾辭王端毅公道郡城特造公敦勸之卒不起家居三十年絕迹不事干請藩臬士夫東西行者靡不造謁得一接見爲幸名震海外行孚鄉黨高風峻節足以敦薄俗勵後進

公偉貌修髯雄文直道重瞳屢回屬意大用銜命萬里專對不辱出守南郡勤卹民隱早見遄歸養高林壑



閑家有則孤踪無玷如公者出則爲天下士處則稱鄉先生者也

雙節寒香晚翠者公之妾也公歿主母以皆少年將遣之二妾剪髮見志寒幌孤樓窮年相守家人鮮見其面公故食貧身後家益落二妾茹荼食蘖不知老之將至嘉靖中詔表雙節公女恒情者爲指揮姚麟妻亦早寡而守節君子曰斯可以觀德也已詩云刑于寡妻此之謂也

布政使夏公寅

字正夫華亭人正統戊辰進士官至山東右布政使

幼而岐嶷有巨人志日記數百言稍長益肆力于學初除南京吏部主事杜門誦經史百家言久之發爲文章淵闊與密脫去流俗自成機杼陞江西按察副使提學專崇行實黜浮華閱卷一目數行下又善鑒別復文山祠葺白鹿書院修陶侃讀書臺以風勵學者陞浙江叅政處州民苦虐政走山谷招不聽曰須夏叅政來公檄至卽散成化丙午進山東右布政使敬

簡有容愛民節用或勸興作不聽曰勞而不怨斯可  
公留心當世聞朝廷善政喜形于色或有他則不懌終  
日嘗疏論國家之勢在離合合則安離則土崩今兩  
京竝建其勢宜嘗合以制天下徐州地連山東飢饉  
無聊宜在賑恤臨清乃南北咽喉或暫梗焉爲害不  
小宜選大臣有望實者鎮守二邦訓兵屯田示天下  
形勢廷議是之爲出白金四萬兩賑徐州命都御史  
賈俊鎮臨清吳中早饑有司莫以告公投書巡撫發  
廩二十萬石糶十萬石三吳併獲以濟他所論列若  
文廟禮樂之數正風俗立紀剛崇文化作人材之類

皆切於政本平生誠心直道無黨無援自筮仕爲郎  
二十年爲副使十六年未嘗以淹屈降志

嘗語客曰君子有三惜此生不學一可惜此日閑過二  
可惜此身一敗三可惜客悚然避席曰名言也

明名臣言行錄卷第二十八

尚書耿清惠公九疇

字禹範盧氏人永樂二十二年進士官至南刑部尚書卒年六十五諡清惠

宣德辛亥擢禮科給事中議論持大體有清譽正統二年兩淮鹺法大弊擢運司同知公性節儉肅尤慎交接吏胥豪商勢家凜凜不敢肆嘗條奏鹽法便宜事者爲令丁母憂鹽塲數千人詣闕乞留陞都轉運使嘗坐水旁童子曰水清不如使君清已而被誣逮下獄得釋又以都御史清理兩淮鹽法

景帝初陞刑部右侍郎屢辨疑獄有婦訟其夫坐離異  
公曰不可杖婦而歸之已兼江北巡撫歲凶盜起公  
善循拊流民復業者七萬家勅審錄諸郡大辟囚得  
釋者二十六人有婦人來何苟家者去而死婦家訟  
苟與弟殺婦苟誣服公疑之釋苟兄弟已而竟得殺  
婦者讐家也人服其明

景泰三年王文當出鎮陝西代陳鑑文不欲行諷諸御  
史留已公以侍郎出鎮守除弊屏貪威望益著先是  
巡撫多部寺司堂官文移不得輒下按察司下亦不  
肯受約束公奏得竟下邊將請增臨洮諸衛戍兵下

公議公言邊城士卒不爲少將官能嚴紀律精練習  
勤撫恤絕侵漁養其銳氣加以賞罰明信人人自奮  
不然徒冗食耳竟不增戍四年轉右副都御史仍鎮  
其地會有言市羊角爲上供燈公上疏曰昔宋神宗  
買浙燈蘇軾諫止之今買羊角製燈無乃類是上遂  
止

天順改元公來自陝西留爲右都御史時子裕任給事  
中公言父子同在要地非宜改裕爲翰林檢討是年  
諸御史劾曹石逮詔獄并逮公降江西右布政尋轉  
四川上知公清正一日對輔臣論人才言九疇去非

其罪南陽對曰九疇操行誠不易得未幾以禮部召至京陛見上憐其老改南京刑部尚書曰遂卿優閒四年卒上又曰可惜此老以左都御史蕭維禎代公孝友純至居喪秉禮平生無他嗜好公退焚香讀書而已交人不泛雖權貴亦敬憚不敢犯論事是非確然不肯詭隨好善嫉邪別白太過以故與衆寡合累遭讒困賴上保全之子裕自有傳



尚書軒介肅公輓

字惟行鹿邑人永樂二十二年進士官至刑部尚  
書諡介肅

天性廉介嘗督漕淮上嚴寒忽墮水援出裹被坐有司  
急進衣却去竟候舊衣之乾陞御史獨振冰蘖之聲  
爲浙江按察使四時一布袍蔬食不厭約同僚三日  
出俸易肉一斤故舊經過輒留供飯飯惟一肉或至  
殺雞見者皆驚異曰軒廉使殺雞爲客大破費遭喪  
卽行僚屬尚未及知公旣去陳璇代公亦清嚴浙臬  
稱治

景泰四年公爲副都御史巡撫浙江改南臺內艱奔喪  
天順初首用公爲刑部尚書耿九疇爲右都御史二  
人廉介有名海內信向未幾耿公欲去石亨不果反  
爲亨逐去公亦病請致仕上召公至文華殿面諭留  
視公疾不可強與致仕及陛辭上復問公曰昔浙江  
廉使考滿歸家僅二竹籠是汝乎公頓首謝又問卿  
年未老病愈可再用乎公又頓首辭疾上賜金爲道  
路費公去上復思公召爲左都御史督南京糧儲  
公嚴毅遭人無賢否悉峻拒不與接歲時詣禮部拜表  
慶賀屏居一室撤燭朝服端坐寂無一言鼓嚴出行

禮禮畢竟御肩輿歸僚儕聞公來輒避去亦不樂與處南武駕郎沈琮嘗言留都大臣唯公及魏驥廉平峻偉不務文飾間令吏寫公牘數十冊卒後修史有司從其家取行實無有也其敦朴如此

僉都御史魯端毅公穆

字希文天台人永樂元年進士官至右僉都御史  
卒年五十七天啓中補諡端毅

幼舉動異常見稍長攻苦食澹篤志經史嘗大書咬得  
菜根段百事可做之語于座右毅然以清操自勵及  
登進士第還鄉杜門讀書未幾赴召邑長贖鈔萬緡  
辭弗受或曰贈亦禮也何故却之公曰區區始出仕  
可以此自累乎

拜監察御史位廟監國時列上漢庶人不法罪狀留中  
常州巨商罹法當斬鄉人懷金三百兩乞減死公斥

去之鄉人以姻戚故復來遂執之

擢福建按察僉事雪冤濫繩貪墨摧豪強泉州進士李思義妻吳少而美舊與富姻林私李調官廣西林令二僕從李行殺李道中及其姪吳竟適林李宗人訴于郡郡受賂反坐李宗人誣又訴憲司憲司受賂如郡十餘年不決公廉得其情一訊卽服

漳富人許初無子後兄子已而妾生子與兄子貲三之一托以已子許死兄子言妾子非許出逐去盡奪其貲公大召縣中父老及許宗人詢之皆曰妾子本許種也於是悉歸其貲晉江縣境有四閘水以蓄洩溉

田數百頃爲豪右專利歲旱細民羣訴公罪其專利者民皆驩呼鼓舞超陞僉都御史召入臺朝退方治事疾作而卒貧不能斂公卿賻治其喪始克襄事公爲人剛正清慎內恕外嚴寡嗜欲薄滋味歷仕中外二十餘年家無餘貲被服如寒士卒之日莫不咨嗟嘆息

尚書崔莊敏公恭

字克讓北直廣宗人正統丙辰進士官至南京吏部尚書卒年七十有二贈太子少保諡莊敏

爲戶部主事有能譽出督延綏邊儲南陽薦知萊州府府庫故歲入漕海布數萬輒浥爛守者率破家公請量留漕海布餘並出爲軍餉不踰年布盡歸守庫者八百家

十三年登萊旱蝗遣使遍捕且焚且瘞蝗不爲害明年復旱乃發郡縣倉穀勸富民出粟賑之奏免膠州卽墨諸逃戶芻糧民賴以全活明年鹵犯京師集兵數

千遣官部署勤王在萊六年吏與民懷立去思碑於  
楊震祠中

景泰三年陞湖廣右布政使盡革諸冗費及和市苗民  
侵武岡督餉訓民兵勦賊賊皆聽撫公安監利流民  
相殺公曰勿急急且大變下令流民願附籍者聽否  
且俟秋成遣歸衆遂定調左江西篋中惟律書數冊  
衣數襲而已

省有廣濟庫者庫官吏乾沒五十萬公發其奸賊行臺  
韓雍竟法連坐布政使失職郡邑肅然制爲役法調  
輕重任一歲之勞得九年之逸至今行之



天順戊寅改左副都御史巡撫南畿所至郡縣進論耆老令人得盡言於是周知利病崑山民王凱素無賴利別籍所遺田產自冒爲軍御史連坐隱蔽者二十四人悉配戍衆訴于公公下有司集里老覆其實事遂白乃坐凱罪

松江舊役澇清夫天旱則開門隨潮引清水灌田水大則泄之以防滄沒後漸廢弛沿江之民歲被淫潦卽親詣其地督工挑浚分江爲三段崑山縣自夏界口至白鶴江上海縣自白鶴江至泮家渡嘉定縣自泮家渡至莊家涇皆以次受役至今利之又浚曹家港

蒲漚塘新涇大營浦諸水民因目曹家港爲都臺浦  
以識不忘

四年鹽山薦爲吏部左侍郎五年代李秉爲尚書以母  
喪去位服除改南京吏部首黜諸司不舉職者數人  
以正吏治尋奉勅叅贛南京畿務凡政令必與二三  
同事論定而後行兩以疾乞致仕不許後再乞乃許  
之成化十五年十二月卒年七十一訃聞贈太子少  
保諡莊敏賜葬祭官其子璿爲中書舍人

公和厚坦易靖共自守遇人不爲矯飾而是非臧否未  
嘗不公臨事惟求合理便民雖難不避其爲政知大

體愛惜人才尤親善類卒之日遠近聞之莫不悼惜  
云

尚書姚文敏公墓

字大章桐廬縣人正統壬戌會試第一官至吏部尚書加太子少保卒年六十贈文敏

正統戊午舉鄉試第一入太學祭酒李公時勉一見知爲偉器壬戌與從弟龍同登進士癸亥擢吏科給事中首疏八事多見采納甲子夏旱奉命祀北鎮雨應時至都御史王翱鎮其地喜曰此所謂隨車雨也爲立碑於廟

己巳英廟北狩國勢危疑羣臣勸郕王進議未決詢諸六科公曰朝廷任用大臣正謂社稷計何必詢諸小

明倫彙編 家範典 卷之二  
臣衆乃請文華殿懇請事遂定十日鹵大舉進逼京  
丁丑衆議戰守不一公言兵敗之餘人心未定只宜固  
守伏兵歸路擊之遂上疏遣人間道齋勅宣府遼東  
令總兵官楊洪曹義各選勁騎刻期以進與京軍內  
外夾擊未幾洪義統所部兵來賊果一夕遁去

丁丑春正月景泰不豫尚書胡濙在告公強之出十四  
日率文武大臣于左順門問安退集東閣內議立皇  
太子疏懇請未允次日公欲率百官伏闕以請是  
夕與學士商輅議定遂請十六日早三鼓至朝房公  
屬輅具本稿有陛下爲宣宗章皇帝之子當立宣宗

章皇帝之孫正位東宮等語公躍然舉筆於立上添  
一復字時同官鄒幹等俱稱善已時入朝衆議合文  
武大小官僉名以一樣寫二本因遲延至十七日早  
變作弗果進

英廟復位石亨輩竊弄威權憾公不附已乘間調公南  
京禮部英廟素知公爲人且聞立儲之議未幾驛召  
至京賜一品服轉左侍郎戊寅調吏部有真定守以  
賄敗亨挾勢囑復其官同列附亨者令擬准稿來判  
公擲筆大言曰吾寧不做侍郎必不判此稿事竟止  
後亨敗附亨者降黜而公之言益重

癸未晉禮部尚書詳雅敬謹明於典禮克稱厥任上濬  
嘉之甲申憲廟嗣位命侍經筵乙酉上耕籍田幸太  
學皆從公請宴賜有加公率羣臣上封事其畧曰皇  
上當念祖宗之付託思天下之艱難勿以目前無事  
而恣于宴安肆于逸樂以禮法齊家以節儉制用官  
爵無濫授金帛無妄費土木無妄興齋醮勿頻設出  
入有防巡遊有度節嗜欲養天和留心萬機無怠政  
務上嘉其言慰諭甚至丁亥朝鮮進海東青公言非  
故事宜詔自今非常之貢物不得進以示不寶遠物  
之意

戊子四月以災變率羣臣上疏言皇上春秋鼎盛而震位尚虛宜均愛六宮以繁子嗣乞罷西山所建之塔斥回阿叱哩之流留心經筵裁決政務親君子遠小人服食言動悉遵祖宗舊規庶回天意上嘉納之

慈懿皇太后崩卜葬有異議內閣執不可繼之以疏事下禮部公率羣臣覆奏詞甚懇切有曰山陵宗廟聖孝所先綱常典禮國家攸重萬一合葬祔廟之禮少可疑阻關係非細豈能保其將來無據理改而從正者上覽奏感泣卒從其議

己丑拜吏部尚書加太子少保先是藩臬由臺省會舉



臺省由天子親簡吏部僅選守令以下耳公至乃悉委之連舉臺省藩臬十數人皆稱職中外服其公明辛卯加太子少保冬彗出軒轅公上疏反覆諷諫壬辰南方大風雨水溢公疏言自古禍亂常起于災傷饑饉之餘毋謂天道姑息有象無應只圖因循便安于目前也上是其言命禮部會議行之上疏乞歸不許已而疾作臨終謂子璧曰吾受國厚恩不克圖報死後勿隨例請葬祭以重吾過言弗及私

公丰神秀朗氣度宏偉言論侃侃達大體居官精敏逾人拔擢人才無間新故立朝三十餘年憂國憫民遇

事勇爲廷議大政正色昌言人皆悅服一時大臣詞  
氣慷慨才識高邁未有出公右者

尚書林恭肅公鄂

字一鶚太平人景泰二年進士官至刑部侍郎卒  
年五十四贈尚書諡恭肅

拜監察御史時言官得志輒妄言摠撫中傷人益交結  
橫甚公獨持大體畧細故言必當實嘗監京府試內  
閣陳王子不得舉誣考官劉文介公又以公兄子林  
挺得舉誣公私挺逮挺考訊且并逐公及較挺文文  
固有辭理事得白英宗復辟盡左遷諸言事瑣猥挾  
勢鵬張者簡諸守正持大體者爲大郡知府公得鎮  
江陞辭召見賜食楮幣諭擢用意公至郡汲汲興利

除害不出一言暴前人短惟曰必如是乃是鎮江漕  
河孔道經孟瀆頗險言者請鑿河自七里港引金山  
上流通丹陽以避之巡撫主其議公言迂遠多石又  
壞民廬募請按京口開甘露壩故迹稍浚浚通舟舂  
夏啓閘秋冬度壩道里近而功力省從其言果便至  
今過者必指曰林太守功云

六年調劇治蘇州公一切簡靖卽有建革必審覈再三  
然後施行蘇人重公名旦夕責効頗笑守迂緩已而  
見其深思曲算圖久遠利卽又稱林太守經濟才也  
蘇學先師像歲久多壞或欲因舊而飾之公奮然曰塑

像非古我太祖建學易以木主陋俗乃革卽未壞者  
猶當毀之况遇其壞耶聞者莫不悚服

超拜江西按察使平反冤獄必據律不肯輒重輕徇上  
下意廣信有妖賊妄稱天神夏尚書等遠近驚疑公  
榜戮其魁事遂解歷兩布政使歲饑奏減恆賦十五  
萬石禁樂戶買良爲娼遏嶺南獠寇不得入境至今  
稱良方面者必歸公焉

成化六年陞南刑部侍郎審訊刑獄必從容調劑僚屬  
問務適情法內艱去服闋召刑部侍郎時年未五十  
譽望出諸卿右衆冀公大用未幾卒於官貧無以爲

明倫彙編 家範典 卷之二 九  
敏黃文毅謝文肅二公經紀歸其喪公秉禮植義造  
次必恭慎公餘輒危坐閱書史臨古帖作楷書寢必  
夜半漏盡卽起馭下稍嚴交遊不苟事母程淑人極  
敬愛母不說跪請移時必母說乃起歷仕中外二十  
六年家無益產篤行孝廉君子也嘉靖二十二年御  
史趙大佑上公節行贈刑部尚書諡恭肅

公貌莊重對妻子無惰容見小吏必束帶爲郡多正謬  
俗鎮江祠隱士焦光爲冕服像及左右侍衛如王者  
公以爲非法易去蘇郡先時歲迎春于東郊百戲前  
導觀者塞途公悉屏不用識者以爲合禮

公官至三品而家無百金之積產無一畝之增古所謂  
居官廉雖大臣無厚蓄者公其人矣

尚書兼大理寺卿趙公榮

字孟仁福建閩縣人其先陝西通渭籍以能書秀才選授中書舍人直文淵閣仕至工部尚書兼大理寺卿卒年六十賜祭葬如例

巳巳之變鹵衆奉上皇車駕至土城邀大臣出迎會議遣官往衆相視無肯行者公毅然請行遂陞大理寺右少卿充鴻臚寺卿與右通政王復出城朝見進羊酒等物見也先及其弟伯顏帖木兒擐甲胄屬弓矢引公同復等前露刃夾之謂公等是小官索大臣于謙王直胡濙石亨等出迎公同復辭歸太上諭二人



明名臣言行錄卷之八  
日彼無善意汝等宜急去二人方回面鹵騎恣行剽掠會四面援兵漸集鹵夜遁公還仍直文淵閣

景泰初陞工部右侍郎與都御史楊善同使瓦剌奉迎聖駕回京錄功轉左侍郎理部事時與偕者千戶湯胤勣湯和孫也公見伯顏帖木兒伯顏帖木兒問公中國事公未及對胤勣輒先發時時于坐上箕踞岸幘朗誦其所著平戎論伯顏帖木兒色變胤勣出脫脫不花謂譯人曰彼髯者何爲哉恨不殺之耳太上皇還轉左

英廟復辟進公工部尚書時文臣盡行貶斥公以使鹵

受知於上雖石曹表裏爲奸公朴實知義不入其黨  
五年曹欽謀不軌犯闕殺都御史寇深錦衣衛指揮  
使遼杲公披甲躍馬呼於市曰曹家是亂臣賊子當  
共剿殺我輩是忠義臣子不可退避於是從者數百  
人同孫懷寧鏜提兵襲欽於陣前獎勵士卒以滅賊  
須臾事定以功命兼支大理寺卿俸一日上與李賢  
論廷臣才能因舉公破欽事曰曹賊反時兵非公責  
出身當先此心此事故未易及上嘉其忠七年卒于  
官廕一子錦衣衛指揮僉事

侍郎黃文毅公孔昭

字世顯浙江太平人天順庚辰進士官至南京工部右侍郎卒年六十四贈禮部尙書諡文毅

年十四遭父母喪哀毀骨立旣長執友建寧守賀汝知其賢薦松溪訓導不果嘆曰士有志用世乃藉人薦舉耶樓居讀書刻苦特甚至忘寢食

自舉進士卽著廉名爲屯田主事寮友忌公嘆奸吏誣奏事竟白同寮坐傾險去官以故譽益起遷都水員外郎督造江南餽遺無所受調吏部歷陞文選郎中持銓清慎汲汲以人才爲慮嘗曰國家之用才猶農

家之積粟粟積於豐年乃可以濟饑才儲于平時乃可以濟事自頃未矯激沽名以閉門謝客爲高天下人才何由知之公退客至輒見詢訪有得必書于冊量其才隨其地望叅之輿論薦用各當其才或因勢家干請欲私用其人輒力言不可卽不能盡沮其人多自敗衆始服公之正

後同考會試有勢家子暮夜持金私謁叱之不容見終身儉素雖老且貴如未仕時尤不妄交遊陳恭愍謝文肅獨以道義相好林公一鶚旣沒念其子孱弱爲經紀其喪復輯其事行傳之奉詔薦應天府尹樊公

瑩福建按察僉事章公懋士論以爲得人

公體貌嚴重不躁語戲笑沉靜自守厚倫睦族讀書尚  
理致尤精詩格

謝文肅曰公在文選每見其喜則知賢者之得進見其  
憂則知小人之不得退如是者蓋十有五年始終一  
節不少變陞右通政五年陞南京工部右侍郎三原  
屢薦公竟未及柄用而卒張莊簡稱公學純志潔方  
正剛直重如山不依勢以動介如石不逐物以移嘉  
靖中贈禮部尚書諡文毅子備亦爲文選郎中備子  
綰官生從張桂後論大禮歷官禮部侍郎遣使交南

陞尙書未行落尙書以侍郎致仕

尙書陳康懿公俊

字時英莆田人正統戊辰進士官至南京吏部尙書加太子少保致仕卒年七十諡康懿

正統丁卯鄉試第一明年登進士第授戶部主事父珪爲文昌教諭卒于官公渡海迎喪海南富士物公私以事至者類相載而歸公一無所取征秋青草于天津諸衛公言舊負未蠲新額游積人不能堪詔減三十五萬束江南蘇松諸郡負土供銀七十餘萬公授委往督不數月告完

天順五年兩廣用兵遣公督餉下令弛鹽商越境之禁

使得隨處貿易而每引輸粟二斗以餉軍公私俱便  
成化元年以戶部郎中陞南京太常少卿四年召爲戶  
部右侍郎公練習錢穀凡四方災傷邊鎮請芻粟爲  
裁盈縮條析利害曲折佐尙書楊鼎鼎亦能聽公言  
七年京師大饑勅公發太倉粟百萬斛賑糶公禁絕射  
利者請于上凡糶以升斗計滿一石者閉不與其計  
遂沮而饑者獲濟

八年鹵入河套命將北征勅公督餉于秦晉諸邊時歲  
饑邊庾空竭而榆林延綏道險遠輸者病之公發金  
於內郡市易且修西安韓城徑道以便飛輓凱還加



俸一階尋遷吏部進左侍郎丁酉拜南京戶部尙書  
庚子改兵部叅贊機務甲辰轉吏部丙午致仕加太  
子少保弘治元年卒諡康懿公爲人沉毅簡重操履  
端方旣仕以清白自持位至六卿蕭然如寒士

尙書王襄敏公鎬

字叔高侯官人正統乙丑進士官至南京戶部尙書卒年六十四

選監察御史十二年奉命按貴州時麓川蠻反詔尙書王驥總兵張軌征之未能定貴道梗公躬率精銳轉戰而前會官軍爲賊襲敗驥軍退屯沅辰時列城皆被圍而平越尤急議者以平越無積貯欲棄委賊公獨不可平越貴咽喉無平越是無貴也乃集城中軍民檄撫苗共守之賊日夜攻圍人乏食至掘草根煮皮甲烹人屍以食而氣益奮乃以竹筒密疏于朝調

官軍項背夾攻大破羣賊始解圍蓋九閱月當是時  
徵公貴幾殆

景泰三年使還湖湘蠻復反命大臣戡定公叅其軍湖  
湘平遷廣東僉事改浙江復以爲廣東左叅政雷廉  
高三郡負海素多盜公皆破滅之

公按貴時年甫三十本起諸生及當群蠻變制勝伐謀  
若素閑軍旅者其後屢建戰功由是朝議以公爲可  
大用歷長藩臬入爲副都御史又轉佐銓館閣羣公  
莫不雅敬公拜南京戶部尙書以疾乞骸賜璽書馳  
傳歸卒于途贈太子少保賜祭葬諡曰襄敏

少保林莊敏公聰

字季聰寧德人正統己未進士官至太子少保刑部尚書卒年六十六贈少保諡莊敏

授刑科給事中卽以古直臣自矢曰所不盡心報國者非夫也劾石亨楊洪孫鏜諸大將著風裁

景泰元年轉都給事中上皇將還朝廷猶以鹵情多詐爲疑禮部議奉迎禮未定千戶龔遂榮投書于學士高穀大畧謂上皇之出非游畋無益爲宗社計爾今都人一聞駕旋無不踴躍則人心未厭上皇也奉迎禮當從厚主上當避位懇辭而後受命否則貽訛青

史穀袖其書入朝以示廷臣王直曰此所謂禮失而求之野胡濙欲封進感動上心王文曰匿名文書不得言遂止于是公及葉盛程信等上疏白其事請按問上詰大臣書從何得皆云得自高穀穀云得之道路濙恐累穀遂詣闕自言書本出自臣手冀感動無他腸耳死無悔乃下廷議或言鹵不可信卽迎駕一車二馬足矣公言上皇北狩與陛下迎鑾皆社稷綱常大計宜厚無他日悔竟從其議

景泰二年春內臣善增恃寵驕縱勢甚熾大臣中有候其生日約武弁持賄賀如往年之事王振者公偕六

利十三道上言盡暴其罪乞治之不然必蹈覆轍章  
成又增二語曰復起群邪趨附之風大開小人奔競  
之路奏上卽命錦衣捕治之後雖復釋然竟不復肆  
矣

景泰三年奸臣進易儲之說事下廷議衆持疑莫敢發  
公首言皇太子無過不可易涕淚憤激不肯署名奏  
牘事雖不能沮而人諒其忠未幾備設東宮官遷右  
春坊司直郎商文毅言公不宜散置改補吏科都給  
事中劾吏部尙書何文淵刑部尙書俞士悅通政司  
李錫工部侍郎張敏諸大臣益多忌公王少保嗾御

史王溥劾公挾持吏部甥選教官得善地文致其罪以專擅選法論死大臣當連名署奏牘胡忠安不肯署稱病臥數日上遣中使問對曰本無疾聞欲殺林聰殊驚悸不安耳上聞意立解左遷國子學正

英宗復辟起公左僉都御史賑山東饑還陞右副都御史捕江淮鹽盜五年曹欽反殺左都御史寇濬公署院事欽已就擒冒功者至割乞兒頭上功公力請禁戢平雪讐嫌欽外舅賀三當欽勢醖時戒子弟勿往來至是選者以賊姻戚縛至官龔遂榮方得錦衣指揮亦誣賊黨公曰賀素與欽絕懼有今日耳遂榮嘗

批逆鱗者豈從賊反訊之果寃皆釋之

成化二年江淮旱人相食公往賑奏截漕粟數十萬給  
之明年九載滿秩陞右都御史巡撫大同將吏用命  
邊事稍寧逾年致仕越二年召掌南院兼督操江又  
三年召爲刑部尙書加太子少保十三年與定西侯  
蔣琬按事遼東馬鈞陽及御史強珍竟坐謫戍明年  
乞致仕不許十八年卒公恂恂和易身若不勝衣遇  
事可否毅不可撓抗議易儲直聲大振



尚書王恭毅公槩

字同節號恕齋廬陵人正統壬戌進士官至刑部  
尚書

敏達有才暢習吏事初授刑部主事歷陞員外郎郎中  
屢遷河南按察使所至案無留牘獄無冤詞天順初  
被誣下獄會襄憲王入朝上問所過官吏賢否王對  
曰臣過河南百姓遮道訴王廉使冤且言王廉使清  
勁鋤豪拊善有恩有威殿下幸爲百姓奏皇帝還我  
王廉使上喜立命法司雪誣還任

陞右副都御史巡撫陝西設法救荒全活數萬人流徙

歸業天順七年遷大理卿出入十年凡兩法司及畿  
藩讞奏參錯情法多所平反時吏諳律比者類多濫  
刻爲明公獨持明允濟以長厚諸所審駁會文切理  
倫要簡暢轉相傳錄類成卷籍成化八年遷刑部尙  
書疏陳時政十事上嘉納商文毅知公薦代姚文敏  
吏部主議者不喜南人竟用尹同仁十年卒諡恭毅